

Communicaziun a las medias BCG

BCG e Pro Senectute offran curs gratuits: «Co utilizar l'e-banking» ed «ierta»

Cuira, ils 20 da favrer 2017 – La Banca Chantunala Grischuna (BCG) e la Pro Senectute Grischun offran dal mars fin il matg curs gratuits davart ils temas e-banking ed ierta en differents lieus en il Grischun.

La Banca Chantunala Grischuna s'engascha sco partenaria da la Pro Senectute Grischun en favur da senioras e seniors. Dapi il 2006 sustegna ella curs e cussegliaziuns e promova uschia l'independenza e la qualitat da viver en la vegliadetgna.

Utilisar a moda segira e simpla l'e-banking

En il curs dad e-banking survegnan las personas interessadas tips utils e pratics per il diever da mintgadi. La finamira è d'avair sut controlla las atgnas finanzas. Latiers tutga er il diever da l'app Mobile Banking. Las participantas ed ils participants emprendan uschia ils avantatgs da variantas da pajar senza daner contant e co far diever da quellas. Ils curs da trais uras han lieu dal mars fin il matg a Cuira, Flem, Tavau Plaz, Domat, Glion, Lai e Scuol.

Ierta: segirar sasez ed ils confamigliars

Spezialists da la BCG decleran las basas dal dretg dals bains e dal dretg d'ierta sco era la procedura da cessiun dad immobiglias e donaziuns. Ils suandants temas vegnan discutads sa basond sin la pratica: basas dal dretg dals bains e dal dretg d'ierta, pussaivladads d'optimar la successiun legala, la cessiun dad immobiglias durant la vita, regalar u ceder, usufruct u dretg d'abitar, planisaziun da l'ierta, dretg da la protecciun dals creschids e disposiziun dal pazient. Ils curs da trais uras han lieu il mars, l'avrigl ed il matg a Tavau Plaz, Tusaun, Cuira e Landquart.

Las personas che prendan part als curs èn cordialmain envidadas ad in aperitiv suenter ils referats. La participaziun è gratuita. Annunzias per ils curs èn da drizzar a la Pro Senectute Grischun sut il numer da telefon 081 252 75 83 u per e-mail a kurse@prosenectute.ch. Ulteriuras infurmaziuns sut gkb.ch/prosenectute u [Pro Senectute Grischun](http://ProSenectuteGrischun.ch).

Contact per las medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per personas privatas, l'economia ed il maun public. La banca occupa l'015 collavuraturas e collavuratur (stadi dals 31-12-2016). En il chantun Grischun cun sias numerusas vals e pliras linguas, è l'interpresa represchentada cun 60 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive AG a Turitg ed a l'Albin Kistler AG medemamain a Turitg. En il resultat annual preschenta ella cun ina summa da bilantscha da CHF 23,762 milliardas in gudogn dal concern da CHF 168,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants: 8 d'avrigl 2017

Rendaquint semestral 2017: 27 da fanadur 2017
